

全華叢書

全
華
叢
書

帝王經世圖譜十六卷

金華叢書

退補三昇產

帝王經世圖譜序

自程朱倡為性命之學學者以其所
託尊而為說易襲也於是空疏無據
者流望風而趨攀附程朱門牆獵語
錄中一二語遂自謂窺其堂奧詡詡
然號於衆曰吾道學吾道學見其留

心經世之務者則反訾之為麗淺甚且
以為玩物喪志而力排之烏庠學不關
帝王之大經大法而猥曰明其心見其
性吾不知六經何為作也六經者帝王
治世之書其大禮樂兵農其細名物度
數其精陰陽消長其迹理亂得失由堯

舜禹湯文武周公逮于孔子孟子昌黎
韓子所謂上而為君其事行下而為臣
其說長者比物此志也豈有空談性命
於世無補之學哉夫使無補于世而空
談性命豈惟得罪於堯舜禹湯文武周
公孔子而已亦大背程朱本意矣吾郡

唐先生與政與朱子同時其為學獨與
朱子異趣留心經世之務竊取古帝王
大經大法著在六經者圖而譜之勅為
是書以為後世帝王圭臬可謂君子務
其大者遠者異乎撫拾性命空談迂
疏無用之學矣書之宏綱鉅旨已備四

庫全書提要中而先生出處本末則周
氏必大原序言之尤詳茲不贅云同治
十二年癸酉夏五月永康後學胡鳳丹
月樵甫序於鄂垣之退補齋



御製題帝王經世圖譜

帝王經世之道具在六經法戒所垂取則不遠
顧篇籍殽陳披覽非一時可竟唐仲友乃撮舉
諸經要旨列爲圖譜旁採傳註附以總說分門
別類條理秩然讀之而其辭易通玩之而其義
易見允爲政治圭臬若夫擇之精語之詳提要
鉤深用意不紛而見功甚鉅宜周必大題詞比
諸水之流東海車之指南也夫左圖右史藉資
觀省之道是書合而爲一包括靡遺永樂大典

中搜羅甚富若此編之有資君道蓋不屈指數也洵宜侑諸座右鑑以朝夕庸詎賞其廣蒐博記已哉序識大端用述作詩之意

后皇建極亮天工法在六經幾部中守此治今違此

亂慎惟始亦要惟終譜圖創見唐仲友敘語詳言周

子充詎止存羊愛其禮須知示鵠折乎衷四千年自堯

至今四千一百裏廢興數百廿篇間櫟括融是書百

餘歲舉成數也一篇釐二十有理世津梁心以慕作君軌範聽當聰行間總

爲十卷是珍希有座側恒應置一通寧曰纂言資博考踐行

益用勗吾躬

帝王經世圖譜原序

漢司馬談父子貫穿經傳馳騁古今謂當時六藝以千萬數故有儒者博而寡要勞而少功之言唐韓愈文不絕吟編不停披然亦記事提其要纂言鈎其深矧去古逾遠眾說日繁才學未逮于前賢宜其用力勞而見功微此圖譜所繇作也雖然分門類事者固多其能旁搜遠紹合異爲同則鮮矣金華唐仲友字與政于書無不觀于理無不究凡天文地志禮樂刑政陰陽度數兵農王霸皆本之經典兼采傳註類聚

羣分旁通午貫使事時相參形聲相配或推消長之
象或列休咎之證而于郊廟學校畿疆井野尤致詳
焉各爲總說附其後始終條理如指諸掌每一篇成
門人金式輒繕寫藏弄積百二十有二篇又得與政
猶子別本相與校讐釐爲十卷以類相從會分教廬
陵將鏤版校官而郡守趙侯善錄助成之屬予題辭
夫水之流東惟海是歸車之指南其塗不迷今是書
折衷於聖人示適治之路故名曰帝王經世圖譜非
其他類書比也昔漢儒專通一經仍守師說居家用

以修身涖官取以決事況乎六經旨趣百世軌範皆
聚於此學者能因之廣記備言精思博考守以卓約
則他日見諸行事豈不要而有功也歟與政名臣子
少登兩科應祕書省正字著作佐郎出知信台二州
擢江西提點刑獄孝宗深奇其才不幸得年僅五十
三凡所蘊蓄百未究一予每與士大夫共惜之因序
其書併告來者嘉泰元年七月庚戌前進士周必大
書